



## Árabajásgeassima diehtoresearva (Varda)

Njuolggoráva árabajásgeassima priváhta bálvalusabuvttadeaddjiide das, mo vurket dieđuid Vardai geavahanlaktaga bokte

### Mii Varda lea?

Árabajásgeassima diehtoresearva (Varda) sisttisdoallá oppa Suoma gokčevaš dieđuid árabajásgeassindoaimiin, árabajásgeassima doaibmabáikkiin ja bargiin sihke árabajásgeassimis lean mánáin ja sin fuolaheaddjiin. Varda dieđut geavahuvvojit ávkin ee. árabajásgeassima gárgeheamis ja mearrádusaiddahkamis, eiseválddiid bargguid dikšumis ja dutkanbarggus. Dasa lassin dain ráhkaduvvojit statistihkat našuvnnaš ja riikkaidgaskasaš atnui. Vardas ásahuvvo árabajásgeassinlagas. Oahpahusráđdehus vástida Varda bajásdoallamis.

### Gii vurke dieđuid Vardai?

Gielddat ja gielddaovttastumit, mat ordnejit árabajásgeassima, leat vurken Vardai dieđuid gitta jagis 2019. Jagi 2020 álggus vurkengeatnegasvuohta viidu guoskat maiddái priváhta árabajásgeassima bálvalusabuvttadeaddjiid. Dat leat priváhta bearašbeaivedivššarat sihke joavkobearašbeaivedivššut ja beaiveruovttut, main lea árabajásgeassindoaimma váras y-dovddaldat ja mat leat dahkan gildii almmuhusa priváhta árabajásgeassinbálvalusaid buvttadeamis.

### Mat dieđut vurkejuvvojit?

Dieđut vurkejuvvojit guovtti muttus: bálvalusabuvttadeaddjai, doaibmabáikkiide ja mánáide guoskevaš dieđut 1.1.2020 rájes, fuolaheaddjiid ja bargiide guoskevaš dieđut 1.9.2020 rájes. Dárkilut rávvagiid das, mo dieđuid galgá vurket, fidnet Varda diehtologahallamis. Bálvalusabuvttadeaddji, doaibmabáikkiide ja mánáide guoskevaš diehtologahallama gávnnat čujuhusas

<https://wiki.eduuni.fi/pages/viewpage.action?pageId=190613098> Siiddus gávnnat maiddái liŋkkaid infoide ja skuvlejumiide. Varda sáhtát geavahit juogo suoma- dahje ruoŋagillii.

### Doaimma ná:

#### 1. Daga registrerema čujuhusas <https://virkailija.opintopolku.fi/varda-rekisterointi/>

Registrerema sáhtá dahkat olmmoš, geas lea fitnodaga virggálaš dieđuide merkejuvvon vuoigatvuohta dikšut earániid fitnodaga beales. Registrerema dahkamii dárbbasat suomelaš bánkodovddaldagaid, mobiilasihkkarastima dahje sihkkarastinkoartta, maiguin sáhtát identifiseret iežas sihkkarit. Registreremis namahat olbmo, gii oažžu Varda váldogeavaheaddji vuoigatvuođaid. Son dasto vástida du organisašuvnna geavahanvuoigatvuođain Vardas. Beaiveruovttus váldogeavaheaddjit galget leat unnimustá guokte. Giella gieđahallá dahje dohkkeha dahje hilgu registrerema.

#### 2. Daga geaveheaddjidovddaldagaid

Go registreren lea dohkkehuvvon, Varda váldogeavaheaddji oačču iežas šleađgapostii liŋka, man bokte beassá dahkat alccesis geaveheaddjidovddaldaga ja dan maŋná beaiveruovttu dahje joavkobearašbeaivedivššu váldogeavaheaddjin bovdet Vardai earáge geaveheaddjiid.

Váldogeavaheaddji ja dieđuid vurkejeaddji sáhtá leat seamma olmmoš. Vardai sáhtá maiddái addit geahččanvuoigatvuođaid, maiguin oaidná dieđuid maid bálvalusabuvttadeaddji lea dohko vurken. Lassidieđut geavahanvuoigatvuođain:

<https://wiki.eduuni.fi/pages/viewpage.action?pageId=190612679>



### 3. Vurke dieđuid Vardai geavahanlaktaga bokte

Dieđut vurkejuvvojit Vardai Oahpahusráđđehusa Opintopolku.fi-bálvalusas lean geavahanlaktaga bokte čujuhusas <https://virkailija.opintopolku.fi/varda>. Video-rávvgiid geavahanlaktaga geavahusas gávnnat suomagillii Oahpahusráđđehusa Youtube-kanálas: [https://www.youtube.com/playlist?list=PLsBm4tVhwD2H88OOrgJH2OZjkA5I\\_Zeu3](https://www.youtube.com/playlist?list=PLsBm4tVhwD2H88OOrgJH2OZjkA5I_Zeu3)

#### Muitte boahttevuodas beaivádit dieđuid

Priváhta bálvalusbuvttadeaddji vástida das, ahte Vardai vurkejuvvon dieđut leat sisdoalu dáfus riehta ja áiggi dásis. Ođđa ja rievdan dieđuid beaivádeamit dahkkojuvvojit geavahanlaktaga bokte mánotbaji 15. ja mañimus beaivve rádjái.

#### Muital Varda birra mánáid fuolaheaddjiide

Almmolaš diehtosuodjeásahusa mielde persondieđuid vurkemis galgá álo muitalit áššáiosolažžii dahje registreren olbmui. Dát lea registtardoalli dahjege dieđuid vurkejeaddji geatnegasvuohta. Don galggat nappo dieđihit Vardai vurken mánáid ja fuolaheaddjiid dieđuin fuolaheaddjiide ja bargoaddidieđuin bargiide.

Lassin boadát gárvvistit diehtosuodječilgehusa. Oahpahusráđđehus lea gárvvistan materiálad, maid sáhtát ávkástallat Vardas dieđihettiin (málledieđáhus) ja diehtosuodječilgehusa gárvvistettiin (mállecealkagat). Materiálat leat čujuhusas <https://wiki.eduuni.fi/pages/viewpage.action?pageId=190613098>

#### Gos oaččun veahki go válddán Varda atnui ja dan geavaheapmái?

Varda áššehasbálvalus bálvala nehtas čujuhusas [varda@opintopolku.fi](mailto:varda@opintopolku.fi). Doarjaga atnuiváldimis oaččot maddái skuvlejumiin, Varda-klinihkain ja Varda gieđahallan nehttabálvalusas suoma- ja ruotagillii. Lasi áššehasbálvalusas <https://wiki.eduuni.fi/display/OPHPALV/Asiakaspalvelu>

Oahpahusráđđehusa mearrádus, diehtologahallan, ráva ja materiálat Vardas dieđiheapmái: <https://wiki.eduuni.fi/pages/viewpage.action?pageId=190613098>

OPH 7/2023